

Na osnovu člana 16. stav 2. Zakona o Vladi Zeničko-dobojskog kantona-Prečišćeni tekst («Službene novine Zeničko-dobojskog kantona», broj: 7/10), člana 11. stav 2. Zakona o koncesijama-Prečišćeni tekst («Službene novine Zeničko-dobojskog kantona», broj: 5/03), na prijedlog Ministarstva za privredu, Vlada Zeničko-dobojskog kantona, na 50. sjednici, održanoj 02.02.2012. godine, d o n o s i

O D L U K U

o dodjeli koncesije za istraživanje i eksploataciju mineralnog resursa-gabra na ležištu Karaula, k.č. 652/1 K.O. Drecelj, općina Olovo

Član 1.

(Predmet koncesije)

Privrednom društvu „H.I.H“ d.o.o. Živinice (u daljem tekstu Koncesionar) dodjeljuje se koncesija za istraživanje i eksploataciju mineralnog resursa-gabra na ležištu Karaula, u općini Olovo.

Član 2.

(Lokacija)

(1) Istražno-eksploatacioni prostor ležišta je ograničen graničnim linijama sa prijelomnim tačkama kako slijedi:

TAČKA	X	Y
I	4 892 505,96	6 553 388,43
II	4 892 459,39	6 553 424,04
III	4 892 402,43	6 553 403,35
IV	4 892 338,33	6 553 363,03
V	4 892 251,86	6 553 330,01
VI	4 892 241,45	6 553 139,69
I	4 892 505,96	6 553 388,43

(2) Površina unutar istražno-eksploatacionog polja je 1,5 ha i nalazi se na k.č. 652/1 i pripada K.O. Drecelj, općina Olovo.

Član 3.

(Ugovor)

Zadužuje se Ministarstvo za privredu da u skladu sa ovom Odlukom i odredbama Zakona o koncesijama potpiše Ugovor o dodjeli koncesije za istraživanje i eksploataciju mineralnog resursa-gabra na ležištu Karaula, u općini Olovo, u roku od 60 (šezdeset) dana od dana stupanja na snagu ove Odluke.

Član 4.

(Elementi Ugovora)

(1) Osnovni elementi Koncesionog ugovora su:

a) Vrijeme koncesije za istraživanje je 1 godina (jedna godina), računajući od dana dobijanja dozvole za istraživanje, a vrijeme koncesije za eksploataciju je 20 godina, računajući od dana dobijanja dozvole za eksploataciju;

- b) Minimalna visina kontinuirane koncesione naknade je 10,10 KM/m³ čvrste mase (slovima: deset i 10/100 konvertibilnih maraka po metru kubnom čvrste mase);
 - c) Minimalna visina jednokratne koncesione naknade je 1,10 KM/m² istražno-eksploatacionog prostora;
 - d) Minimalna godišnja količina eksploatisanog gabra na koji je Koncesionar dužan plaćati koncesionu naknadu je 11.000 m³/godišnje (slovima: jedanaest hiljada metara kubnih čvrste mase po godini);
 - e) Maksimalna količina eksploatisanog gabra u fazi istraživanja je 1.000m³ čvrste mase.
- (2) Koncesionar je dužan prije potpisivanja Koncesionog ugovora obezbijediti:
- a) Uplatnicu na 16.500,00 KM kao jednokratnu koncesionu naknadu;
 - b) Ovjerenu mjenicu sa mjeničnom izjavom na iznos od 222.200,00 KM;
 - c) „Nulto stanje“ ležišta prije početka istražno-eksploatacionih radova sa fotografisanjem eventualnih postojećih objekata u blizini ležišta.
- (3) Koncesionar je dužan prije dobijanja dozvole za eksploataciju obezbijediti:
- a) Urbanističku, vodoprivrednu, šumsku saglasnost, te okolinsku dozvolu.

Član 5. (Istraživanje i eksploatacija)

(1) Istražne i eksploatacione radove, kao i sve druge prateće poslove, Koncesionar je dužan izvoditi u skladu sa odredbama važećih zakona i propisa kojima je uređena oblast istraživanja i eksploatacije mineralnih resursa, te drugih važećih zakonskih propisa.

(2) U slučaju da Koncesionar ne otpočne sa istraživanjem i eksploatacijom gabra u roku od jedne godine, računajući od dana donošenja ove Odluke, smatrat će se da je odustao od realizacije projekta.

Član 6. (Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-_____/12.
Datum, 02.02.2012. godine
Z e n i c a

PREMIJER

mr.sci. Fikret Plevljak, dipl.ing.

DOSTAVLJENO:

- 1x Ministarstvo za privredu,
- 1x Ministarstvo za poljoprivredu, šumarstvo i vodoprivredu,
- 1x Ministarstvo za prostorno uređenje, saobraćaj i komunikaciju i zaštitu okoline,
- 1x „Službene novine Zeničko-dobojskog kantona“,
- 1x „H.I.H.“ d.o.o. Živinice,
- 1x a/a.